


www.BibleForChildren.org

Mataio 26



Limallesikei
a taun aino le
ani matan angan
i liuluai, Iesu kanla
serei e Betania si
ring ang a Lasaro kapo
ago singina, voiang a Iesu
kata tak ataduk pok ia pelek
a mat. Au Maria kala luk
le na mang sikei a ese
laman sain roron luai, na katapo
samui lava luai kapa, na kala tiuai
ania e kakina i Iesu na kalapo sosong
ia ta ung i patuna. Na neina i lu ang kalapo
sain roron palau ta sain ina i laman ang.




Na si taun ang Iudas Iskariot, sikei iria i 12 na nat i akalit, kanla serei si keve ainoinoai si ri katakai i sula, using kapo buk alis suai ania e kungaria. Na vap la uruk si po longong ani mengen ang, na kila palapalatang ve nia ta ki samui ia. Na kalapo gusgus ta saka pangau an kapo kalakala si alis suai ania e kungaria.



Asukang na keve nat ang kianla vil ia val Iesu kata atatai iria na kianla itoiton a Liuluai. Au, kilapanangan na Iesu kala luk a saui, kala posong aro singina na kala tevek ia na kala lilis aliu kana keve nat i akalit velai ani mengen ke, "Mi luk na mi angan. Kana na pukun ig."



Le na kala luk a kavi na kala
posong aro singina na kala alis
iria na kala antok, "Nami aongos
mi inum singina. Using kana na
rangaig ani angainainakai, na ka
saling ani vap miang asi lomon
suai ani kari keve lau rikek."




“Numai Simon, ku arai. Satan katala aikut asi kana galgal animi val kon. Sikei nau natala sokotuk anim ani kam lomlomon ka ago ta ngau an. Na numai, man kula ulpokai, ku akikitan a keve tasim.” Na kala antok ia ta, “Volava, kana napo usausa asi kag auai ve numai si lu i akangbat na si matmat kapa.” Na kala antok ta, “Napo antok ua Petero, aino le ani pura ka tirtiriku nganinglak, ku amatan potol a agel ta parik kupa nas iau.”




Au le na Iesu kala pasal ve
ria ane si mang vuk ring
kipo kin ia ta Getsemani,
na kala antok iria, "Mi
sinong e ke na nakan
sokotuk tapai e oring
suke." Na kala antok, "Aba,
mamai, keve nem aongos
kapo angkokoai singim. Ku
luk suai ani kavi ke pelek iau.
Lak, vubuk ke singig ka ago,
sikei ku using kam vubuk."




Asukang a Iudas katapo ainoai ani mang kuvkuvulan i keve katakai i visvis na mang keve asosokai si ri ainoinoai katakai i sula na ri Parisaio. Na kimela serei e iang nei matang ang. Kitapo teng kari keve alimang na ri bil ipo visvis. Na mangsikei iria kala tanga suai luai ani talingana i asosokai si ainoai i katakai i sula. Sikei Iesu kala antok ta, "Ka ago na lau ang!" Na kala poro atung pok a talingana i igenen ang na kala to pok.



Na kila teng akit ia na kila tak akipai ania taun a lu
ang si ainoai i katakai i sula, na Petero kapo using
avunga. Na kila taun a kut nei liuan i omo si lu
ang na kilapo sinong
aongos na Petero kapa
kapo sinong ve ria.



Mang sikei a asosokai
si ainoai i katakai i sula
katapo angtogon ve
igenen ang a Petero
kata ngasapik a
talingana, kala sui ta,
"Au si nata arai anim kana
nei matang ang ve nia?"
Petero kapa kala anguan agel
an ania, na e mung palau pura
kala tirtiriku. Na kala soung ane
komo na kanla tangis alava luai.




Au, riria aongos kuvul kila tapasuk
na kila tak ia ane si Pilato. Au,
Pilato kala sui ia ta, "Au, numai a
tulava si ri Iudaia?" Na kala polpol
ia ta, "Numai kupo kin ia." Au, Pilato
kala anguan mengen an
aniria using katapo
lomlomonai ani kapo buk
akala ani Iesu. Sikei kila
songosongo amadot luai ta,

"Atakuk ia! Vil amat ia kuli
ngakputuk!"




Asukang a kala lis ia e kungaria
asi kari an atakuk ania. Na kila
aiveven aliu a Iesu, na kalapo
pasal velai ani asasalakan i kana
ngakputuk taun a ring ang kipo
kin ia ta vangang kumut. Si
mengen i Eberaio kipo kin ia ta
Golgota.



E iang kianla atakuk a Iesu
kuvul ve mang ngono igenen,
e ngono ngising ina, na Iesu
e liuan.



Makarap parik kalapa anguan mang an. Na vakup ang nei lu i atailai kala tading angtaliungai. Na Iesu kala songosongo alava luai, "Mamai, napo alis a malanganto ig nei ngono kungam." E mung i kana posong ani mengen ang, na kala kamus ta aus.



Na si kalapo ngelik luai, using a
taun ke kapo taun i usausa ani
taun i atailai ilesvauk, na
Iosep le Arimataia,
mangsikei a posongan
i nei kuvkuvulan lava,
na katapo atu mata
ta kana vainagoan
a God, kamela
serei si

Pilato, using
kapo tav lolokovo e
matana, na kala
aikut ia ta pukun
ina i Iesu.



Na kanla samui le na vuk vakup
roron luai na kamela kopos
asiang ia na ka pakut ia ta
vakup ang. Au na kanla
amatung ia nei
mangsikei a mata kita
se ia nei bang. Na
kala ul bat a mata
ang ta iat lava.




Au, si taun using ina, e mung palau i
taun i usausa, keve ainoinoai si ri
katakai i sula ve ri
Parisaio kila kivung ve
Pilato na kila antok ia
ta, "Volava, namempo
lomlomonai lak ani
kana mengen na
igenen kapau ke si
taun

katapo to
lak ta, 'E
mung i
potol a taun
na taaut pok.'"



"Au na kila pasal na kianla atung
a keve igenen ang si mata
ang na kila atung a
mang akanangai i
tubat kuli at ang."



Si no i tangat si taun tanginang e
mung i taun i atailai, ri Maria
Magdalene ve mang Maria
ang kilongla pasal sian
arai ani mopong ang.
Au, kosan ta arukruk
kitmat lava kala
serei using a
angelo le

metekuku kata
pasiang na
kamela ul suai ani
iat ang na kanlapo
sinong lakat
kuluna.



Na vap po aiveven aulitai ani
mata ang kilapo nei miringan
ania na kipo tetek na kilapo
asukang val ri vap mat.




Na angelo ang kala antok na ngono
aina ke ta, "Milong ago ta leng
an, napo nas ta milongpo
gule using a Iesu, voiang
kita atakuk ia kuli
ngakputuk."



"Kapo kovek e ke, using katala
tadut pok val katala mengen. Au
milongme arai akorong
ani kana ring i matung."




Na ngono aina ke kilongla sang pelek na mata i matmat ang kuvul velai ani leng sikei lak kilongpo togon na uruk lava. Na kilongla angsasangai sian antok amalangas ani kana keve nat i akalit.



Taun kilongpo sang aliu, Iesu kala tutu aserei singirilong na kala tenei vauk irilong. Na kilongla pasal taun ia na kilongla soturungai singina velai ani ngaulot ani ngono kakina.





Na e mung kamela tung aserei si 11 a nat i akalit akorong si kipo angan. Kala tatapokai aniria using parik kipa lomlomon na kapo kitmat kapa na vingaria, using parik kitapa lomlomon ta mengen si vap ang kitala arai ania e mung i kala tadut pok. Asukang a Volava Iesu, e mung i kana la mengen asip aniria, kala palak ane pangkul, na kanla sinong e palso ina i God.



Using a God kata vinga ro taun
a kuli rina na ka lis kana ring
sikei a nat, ani man a sikei ka
lomlomon tatana, parik kapa
angkoai si an kui asikei, sikei
ka teng a to asikei.



Rome 3:23 Ri vap aongos kitala bil arikek, na kilapo kal ani sigil si kana miminaungan a God.

Rome 6:23 Using a seupok i rikek, mat. Sikei alilis po kovek i samui ang si God, to asikei si Karisto Iesu kara Volava.

Eberaio 9:27 Tarapo nas aro ta tara mat amatan sikei, na e mung ina, saupai.

Epeso 2:8,9 Using tukulai ina si kana roron na milapo sapang, le si lomlomon. Parik kana le singimi akorong, parik. Kapo alilis le si God. Parik ta le si avibisan, ani ka ago ta sikei kala toroi.



Rome 10:9,10 Using man a ngurum ka posong amalangas ta Iesu nia na Volava, na ku lomlomon nei pakangat im ta God kata tak atadut ia pelek a mat io, numai ku sapang. Using a igenen kapo lomlomon ta pakangat ina, e iang ka luk a vilvil akorong ang. Au na nia kapo posong amalangas ta nguruna kala luk a vilvil ato ang.

Ioanes 3:16,17 Using a God kata vinga ro taun a kuli rina na ka lis kana ring sikei a nat, ani man a sikei ka lomlomon tatana, parik kapa angkoai si an kui asikei, sikei ka teng a to asikei. Io, God parik katapa alis kana nat ane kuli rina, asi kana me saupai ani ri vap i kuli rina asi kari mat, parik. Katala alis ia asi kana me vil ato aniria.



1 Ioanes 5:11-13 Na kana amalmalangasai kapo asukang ke. God katala alis ira ta to asikei, na to ke tarapo atogon ia si kana nat. Man a si kapo atogon kana nat, kapo togon a to. Man a si parik kapa atogon a nat i God, parik kapa atogon a to. Napo salik a keve mengen ke taun imi, mipo lomlomon ta asan i nat i God, asi kami malangas ta mipo togon a to asikei.



Mataio 26-28; Lukas 22-24; Ioanes 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Tungag Bible (lcm) © 2011, Wycliffe Bible Translators,
Inc. All rights reserved.

<https://live.bible.is/bible/LCMPNG/GEN/1>

©2025 Bible for Children, Inc.

www.M1914.org

www.bibleforchildren.org

